

臨潼市圖誌

別下竺刊本

大梅山館鑒錄屢藏



浙江圖書

陰
隲
文
圖
證

上冊
別下齋葉本



浙江圖書館



浙江圖書館



浙江圖書館



浙江圖書館

浙江圖書館
藏書

圖

歸藏圖譜


道光甲辰秋九月之吉

錢唐趙之振敬題



趙志三卯年首歲在甲辰
秋于五海圖獲民於二開



浙江圖書館



文昌帝君陰騭文

帝君曰吾一十七世為士大夫身未嘗虐民酷
吏救人之難濟人之急憫人之孤容人之過廣
行陰騭上格蒼穹人能如我存心天必錫汝以
福於是訓於人曰管于公治獄大興駟馬之門
竇氏濟人高折五枝之桂救蟻中狀元之選埋
蛇享宰相之榮欲廣福田須憑心地行時時之
方便作種種之陰功利物利人修善修福正直
代天行化慈祥為國救民忠主孝親敬兄信友

館



或奉真朝斗或拜佛念經報答四恩廣行三教
濟急如濟涸轍之魚救危如救密羅之雀矜孤
恤寡敬老憐貧措衣食周道路之饑寒施棺槨
免屍骸之暴露家富提攜親戚歲饑賑濟鄰朋
斗稱須要公平不可輕出重入奴僕待之寬恕
豈宜備責苛求印造經文創修寺院捨藥材以
拯疾苦施茶水以解渴煩或買物而放生或持
齋而戒殺舉步常看蟲蟻禁火莫燒山林點夜
燈以照人行造河船以濟人渡勿登山而網禽

鳥勿臨水而毒魚蝦勿宰耕牛勿棄字紙勿謀
人之財產勿妬人之技能勿淫人之妻女勿唆
人之爭訟勿壞人之名利勿破人之婚姻勿因
私讎使人兄弟不和勿因小利使人父子不睦
勿倚權勢而辱善良勿恃富豪而欺窮困善人
則親近之助德行於身心惡人則遠避之杜災
殃於省曉常須隱惡揚善不可口是心非翦礙
道之荆榛除當塗之瓦石修數百年崎嶇之路
造千萬人來往之橋垂訓以格人非捐資以成

人美作事須循天理出言要順人心見先哲於
羹牆慎獨知於衾影諸惡莫作眾善奉行永無
惡曜加臨常有吉神擁護近報則在自己遠報
則在兒孫百福駢臻千祥雲集豈不從陰隲中
得來者哉

道光二十四年甲辰秋日

嘉興張廷濟敬錄

時年
七十七



烏程費丹旭繪圖海昌許光清集證許光治繕寫
錢塘汪鈺監刻海昌蔣光煦校刊

帝君曰吾一十七世為士大夫身



陰陽文圖證

一
別下齋刊本



化書帝君於周武王乙巳歲生會稽山陰隱者張氏家名善勳其鄉剪髮文身乃尋冠屨自習禮文化者十七八有耆舊誦唐虞大訓數篇就習焉記授無遺邑人以爲師後究脈理味藥性造其妙京周召爲醫師遷司諫告老歸沒後天帝以爲君山主宰又生河朔張氏名忠嗣字仲爲保氏奉先人之職陞爲大夫以諫死爲雲山大仙蜀門行化爲蜀北門山王降生爲趙王如意爲呂后所殺孝宣時生邛邑張子家受形趙國爲張禹之子名勳爲清河令順帝永和間生世爲張孝仲不登顯仕復生河朔大將軍鄧艾辟請爲從事晉武帝太康八年二月初三日生於金馬山張老家名亞字需美建興末作儒士稱謝艾陳隋閒

生銅川家爲文中子唐明皇幸蜀至萬里橋以儒生謁帝歸闕
封爲左丞相僖宗出鳳翔以儒服見帝居清涼寶山蜀苦水災
及疾化里人爲篙師拯溺又化太醫生爲診候宋興翊眎降於
終南張守真之廬二眎北狩應化清河氏之家紹眎丁丑託化
張浚隆興甲申外葬衡陽掌文昌之命於天奉玉音加秩金闕
昊天太師

附證化書一十七世之盡孝盡忠又以衍上帝一十七光之
休勸戒士子文歷一十七世之艱慈悲不改命彭定求
宣示第一條吾爲士大夫一十七世未嘗不孝父母不忠君
王又第二條吾爲士大夫一十七世何嘗不以濟人利物爲

心又第三條吾一十七世為士大夫未嘗一念驕人一念欺人觀心齋語錄然余總司文教濟人利物自十七世以至今未嘗少懈又果能體余一十七世之慈自可優入聖賢之

域

書

圖

江

浙

未嘗虐民酷吏



陰隲文圖證

三

別下齋刊本

化書爲清河令寬明自任人不忍欺待吏如僚友視民如家人
吏有失謬者定正之弛慢者勉勵之鹵莽者教誨之貪饕者廉
察之詭詐者詰難之不用誥詔者免去之惟曲法戕民以白爲
黑事干人命者使自理之辭窮心盡然後付之於法若初情可
憫者猶宥之失出之罰予所自當不敢辭焉民有爭財賄者以
義平之爭禮法者以情喻之爲賊者使償其貲傷人者使庭拜
其敵姦及殺人者付之於法其本心可怒者猶出之容惡之謗
亦不敢辭焉以是一方之內雨暘以時蝗蟲不作偷賊相戒而
出境姦邪革心而改行爲政五年怨懟不聞而民爲之歌曰吾
有師師嚴而不慈教我恕我張君能之吾有友友信而不戒親

我正我張君是賴我有親母恩掩於義張君似之柔而有制我有親兄實殷於情張君似之和而不爭

附證救劫經吾一十七世爲士大夫未嘗虐民酷吏 化書
牛鞞邑令公孫武仲治邑以廉而待人不怨左右之人小有過失笞一二百莅邑逾年而胥吏無全膚吏怨之資水邑令賴恩性貪吝以苞苴爲常日用飲食歲時衣裝取給於胥吏以民事造庭者無問曲直悉付之狴犴恣吏誅求意足乃已吏意未厭則遷延歲月置而不問民怨之予以二邑之吏民被苦乃化身爲蜀郡丞長孫義行諸邑觀風俗劾武仲之虐吏賴恩之酷民二令叩頭乞免予戒勵之尋隱而不見後知

郡丞初無行邑之事二邑咸以為神而敬信之武仲改而忠
恕恩亦變而廉潔焉

...

...

...

...

...


...

...

...

浙江圖書館

救人之難



陰陽文圖證

五 別下齋刊本

化書予之居事畎澮忽於鉏下得一金像詢之故老或曰元始天尊像也昔夏禹理水冶金以爲神物用鎮方嶽豈此像之類乎一日海風翻浪遠近奔駭非人力可支予謂衆曰家有金像得之儻來今爲衆捨之以祈海若冀其安息乃率衆乘高以像投狂瀾中俄而風止潮回一境獲免

附證真武垂訓曰凡人在患難顛沛之中善用一言解救上資祖考下蔭兒孫 化書夢所事金像語予曰大洞仙經爾熟記矣大洞法籙爾未見也出書示予拜而受之旣覺書在枕前予以救人一一全活予講究脈理活人衆矣驛召至都以爲醫師

濟人之急



陰騭文圖證

六 別下齋刊本

化書張有數族居多貧窶予歸之後興起義莊貧困者周給之
疾病者醫藥之男女成長者婚嫁之子弟俊秀者教養之他族
聞風翕然相倣義莊滋廣習俗漸美矣

附證化書脫人之以濟人之急周人之窮憫人之孤若此三
年必有善報

浙江圖

憫人之孤



陰騭文圖證

七 別下齋刊本

化書師氏韋仲將與予爲聯事無子唯女五人韋以忤於王暴卒禁中旣無卹典五女何依予爲備禮而嫁三人其二幼者寄膳於司諫高之量家俟其長也納爲然明楸陽之婦

附證帝君降筆記吾一十七世爲士大夫未嘗虐民酷吏周人之急濟人之乏容人之過憫人之孤一心如此故能久證真位。

浙江圖

容人之過

陰騭文圖證




八

別下齋刊本

化書五季中進士孫樵者性尚剛介自隴之蜀過祠下侮辱無禮而去抵於山陰天忽昏晦風雨如撒行者不可進欲投邸而不可得遂呼曰此乃北郭生張君如果有靈則指涯涘如何予命佐神舉火一二示之樵尚笑曰廟奴誑我再呼曰神既在何不爲我止風雨使我能抵於平陸如何予笑曰子所過神廟必狎侮指以爲妖笑以爲誣今悔之何及也示之炬火數百山川明朗須臾風雨頓止翼日留記於廟焉

附證王用予記帝君曰周吉祖父俱爲士相沿三代竝不形人一短暴人一惡且其祖曾作百忍說以訓人感化者多最上陰德註昌三代

廣行陰隲



陰隲文圖證

九
別下齋刊本

化書予以法錄救人疾疢衆矣遠近之人踵門求治者不可數計其有染瘟病者著邪祟者受癘厲者逢殃魂者遭鬼擊者犯凶神者遇惡氣者一一全活予講究脈理翫味藥性討論五行之勝復習熟五鍼之迎隨勤苦六年始造其妙自是天命未盡者無橫夭矣

附證江暄弱冠虔奉文帝因姊病印施陰騭文祈姊愈姊隨起夢帝君召之曰汝女兄病愈矣益宜堅心力行陰騭慎勿有始無終也

上格蒼穹



陰陽文圖證


十
別下齋刊本

化書西極一山盛暑積雪山神白輝曰此名雪山大夫仙風凜然盍畱於此予聽而止焉無幾帝有旨以予爲雪山大仙

附證化書母氏羸瘵予剔股肉供之空中語曰上天以汝純孝延爾母二紀之壽翼日勿藥果符神告

浙江圖

人能如我存心天必錫汝以福



陰騭文圖證

十一 別下齋刊本


楊公起元自云少時受舉子業於先君嘗聽講至夜分不寐待旦卽發揮於文字呈之以歡先君又見先母多病每夜深人靜出天街上叩禱願早登第及吾親見之此時念念惟在愛親無他念也予鄉薦年二十有一後累赴春官不第乃奮然曰得非吾念頭有差乎乃像文昌帝君朝夕默禱曰有如志富貴不志道德爲身家不爲生民上負吾君下負吾親神明鑒之至三年後竟登第

附證本願真經但願世人事親者當爲心孝母爲面孝事君者當爲心忠母爲面忠處兄弟則當心友心敬母面爲友敬處夫婦當心和心順母面爲和順待下者母面似至情而心

實不情臨事者毋面似至公而心實不公 覺世真經凡人
心卽神神卽心無愧心無愧神若是欺心便是欺神

浙江圖書

于是訓於人曰



陰騰文圖證

十三 別下齋刊本

帝君廟在梓潼縣東二十里其殿有降筆亭亭中以金索懸一
五色飛鸞鸞口銜筆用金花牋數百幅常留於筆下亭門本府
差官封鎖甚嚴以防欺偽之弊降筆訖其亭內銅鐘自鳴廟吏
聞於府府乃啟鑰取書其書多勸人以忠孝爲本云

附證戒士子文故憑有感之精衷曲示無聲之教化咨爾有
衆聽予格言又苟有負於我言斷不逃於天憲 本願真經
謹惟消除此劫先正人心爲人子者訓使知孝爲人臣者訓
使知忠訓兄弟以友恭訓夫婦以和順訓居上者使待下以
情訓治事者使處心以公

昔于公治獄大興駟馬之門



陰隲文圖證

十四 別下齋刊本

于公為縣獄史郡決曹決獄平東海有孝婦少寡姑欲嫁之終
不冑姑謂鄰曰婦亡子守寡久累丁壯奈何姑後自經从姑女
告吏婦殺我母吏治誣服于公心知婦寃爭之弗得乃抱其具
獄哭於府上辭疾去太守竟論殺婦郡旱三年後太守至于公
請祭孝婦塚表其墓天立大雨時公閭門壞父老共治之公曰
少高大門閭使容駟馬高蓋車吾治獄多陰德未嘗有所寃子
孫必有興者子定國果為丞相孫永為御史大夫封侯傳世

附證

呂叔簡刑戒一曰五不打老不打憐其血氣已衰幼不打憐其血氣

未病不打憐其血氣未平衣食不繼不打憐其不能將養人打我不打恐再

致二曰五莫輕打宗室莫輕打系出天潢官莫輕打一命之微亦列

任籍有過細
審不可輕責
生員莫輕打
魚龍變化莫
可測識
且上司差人

莫輕打
敬主及使
有過
婦人莫輕打
名節干於性命
三曰五

勿就打
人急勿就打
彼方急迫
人忿勿就打
易於殞命
人醉

勿就打
可以情恕
人隨行遠路
勿就打
又無將息
人跑來喘

急勿就打
刑則血逆
攻心致死
四曰五且緩打
我怒且緩

打盛怒之時
刑必過當
我醉且緩打
酒醉心昏
我病且緩打

病時多怒
刑恐不平
我見不真
且緩打
事未確審
我不能處分
且緩打

遇事難處
必慮其終
五曰三莫又打
已糝莫又打
受糝之人

又復用刑
心慌
已夾莫又打
夾棍極刑
人所難受
要枷莫又

打先打後
枷時責未晚
六曰三憐
不打嚴寒酷暑
憐不打順

陰騭文圖證

十五 別下齋刊本

之時恤民之命佳晨令節憐不打與人人方傷心憐不打憫人苦七曰

三應打不打尊長該打為與卑幼訟不打明倫百姓該打為

與衙役訟不打私也工役鋪行該打為修私衙或買辦自用

物不打不為已也八曰三禁打禁重杖打重杖傷人宜酌用輕者禁從下打

阜隸求索不遂每重打腿灣或受人私托禁佐貳官非刑打

打在一塊多致人臥貧人何辜受此冤苦手足屈幼不枷

筋骨未壯難支病不枷魔障易於死十日四不久枷熟蒸毒入臟腑盛暑不久枷

嚴寒不久枷凍破肌孤客不久枷疾痛無衣食不給不久枷

露體枵十一曰五不易枷人值農時不易枷悞其耕種親疾

腹堪嗟垂危不易枷子不在傍遭凶喪事不易枷正當悲慘人有顏

面不易枷一朝失足人懦弱不易枷原非兇類
慚不欲生

浙江圖書館

而不思... 浙

浙江圖書館



竇氏濟人高折五枝之桂



陰隲文圖證

十七 別下齋刊本

燕山竇禹鈞三十無子夢祖語曰汝無子又不壽當早積善狀以挽天心公謹誌不忘適家奴盜錢二百千慮事覺有女十歲自寫券繫女臂上永賣此女於本宅以償欠公見而憐之卽焚其券囑其妻善撫之及笄更以錢二百千擇良家配之又於元夕遊延慶寺拾遺金三十兩銀二錠俟之不至明旦又至寺候之見遺金者涕泣而至曰父犯大辟徧懇親知得金銀以贖罪昨以酒後失去公驗其實卽還之復加贈以送之居恒同宗外戚有喪不能舉者爲出錢以葬之有女不能嫁者爲出錢以嫁之有子不能從師者爲出錢以使之學凡鄰里鄉黨待公舉火者更不勝數後連生五子儀儼侃偁僖皆相繼登科馮道贈以

詩曰燕山竇十郎教子以義方靈椿一株老丹桂五枝芳

〔附證〕吳公頤宜興人官學憲年五十無子留心房術有李生告曰房術不如心術吾有種子方但須損公家業之半公能行乎公曰能生曰方今歲祲正天假之年也乃列數事一細民糧稅欠兩數以下者代納二在官小罪折贖三兩以下者代完三各城門設廠施粥四族親知故貧者不時餽遺五邨落貧民親履給粟六製藥療疫七拾骸八造橋九修廟十置義莊果行此十事定然天賜麒麟公拜謝曰真種子方也惜聞教晚次第舉行所費不踰萬金連得三子鄉試中式公猶及見至今科第不絕鼎甲宰輔皆其後裔

及其至今條登不勝舉甲寅解其奇

聞錄知交聚舉下池盡不假

秦越果於此十事又始天

於食耳賤蘇蘇舉一舉舉

升矣王各處門

凡野錄文

許守公口非


吾曰其沛不

何意是公則

其曰其沛不

浙江圖書館

救蟻中狀元之選



浙江圖書館



陰陽文圖證

元 別下齋刊本

宋郊宋祁兄弟同在太學有胡僧相之曰小宋當大魁天下大
宋亦不失科甲後十餘年春試畢復遇之僧見大宋舉手曰公
丰神頓異似曾活數百萬命者郊笑曰貧儒力何能及此僧曰
不然肖翹之物皆命也郊俛思良久曰旬日前堂下有蟻穴爲
暴雨所侵羣蟻繚繞穴旁我戲編竹渡之得非此乎僧曰是也
小宋今歲固當首捷然公終不出其下及唱第祁果首選時章
獻太后當朝謂弟不可先兄郊改第一祁改第十

埋蛇享宰相之榮



陰陽文圖證

二十 別下齋刊本

楚孫叔敖兒時嘗出遊見兩頭蛇殺而埋之比還憂而不食母問其故泣對曰聞見兩頭蛇者必死也吾見之恐棄母而死無日矣母曰蛇今安在答曰恐後人又見殺而埋之矣母曰無憂汝不死矣吾聞有陰德必有善報德集百祥仁除百殃天處高而聽卑汝必興於楚及長爲楚令尹

附證五代龍山數軍人修築茶園見一白蛇大如拱競以鋤擊內姓余者勸阻之衆不聽竟斃蛇次旦見白衣女子攜一籃下嶺衆奪其籃余亦不與籃中皆香蕈光嫩玉色女子戟手曰清平時有盜垂泣而去衆烹蕈將食余頭痛甚不可耐忽昏睡夢前女子云君意不害殊懷感激蕈有毒弗可食也

驚寤而衆食已畢皆嘔血从
館感應篇云無故殺龜打蛇如
是等罪不得藉口於孫叔氏也

浙江圖書館

<p>皇朝文獻通考</p>	<p>卷一百一十五</p>	<p>禮考一百一十五</p>	<p>禮考一百一十五</p>	<p>禮考一百一十五</p>	<p>禮考一百一十五</p>	<p>禮考一百一十五</p>	<p>禮考一百一十五</p>	<p>禮考一百一十五</p>	<p>禮考一百一十五</p>
---------------	---------------	----------------	----------------	----------------	----------------	----------------	----------------	----------------	----------------



浙江圖書館

皇朝文獻通考
卷一百一十五
禮考一百一十五

欲廣福田須憑心地



陰陽文圖證

三

別下齋刊本

建州人林達屢屢侵人所有里中有葬父者築墳一區風水最吉達造偽券稱其父未歿時將此墳賣我遂以己父遷葬其中里人爭之不得葬畢達夢其父曰福田在心不在風水上安有偽契欺人奪人所葬而享福利者今反因此絕嗣矣達與闔家俱病歿

附證一清道人積福歌曰歎人祇知今世財那知財是前生福我今說與積福人勸世重財先積福有福自有財無福空勞碌若有一分財定有一分福德厚福自繇福厚財自郁何故奢靡人乃以積福資任意恣淫慾何故驕縱人反以積福資倚勢欺窮獨何故癡迷人聚有積福資貪財無厭足何故

慳吝人枉有積福資捨財如割肉不肯積福田願做兒孫犢
留了難帶財撇了易帶福臨時空手去徒向閻君哭吾為世
人悲叮嚀還再屬莫為兒孫計自有兒孫福不如看破財及
早脩些福

浙江圖

早辭些辭

入我口與...

...

...

浙江圖書館

行時時之方便



陰騭文圖證

三
別下齋刊本

大觀中一士人其父久亡忽於京師靴鋪中見之父徑去士追數里疾呼曰吾父何忍無一言教我父回首屬曰爾做人當學葛繁問葛何人曰世閒人爲鎮江太守冥司敬重之但學此人足矣言訖不見其子因往謁繁請教繁曰某力行方便事日或四五條或至一二十條今四十年無虛日士問如何爲方便事乃指坐閒椅子曰此物置之不正便礙人足某爲正之亦方便事如人飢與飯渴與水幾微言語動作有可以方便與人者隨念隨時隨事皆爲之後葛以高壽坐化子孫貴顯士遵行數年亦登第

附證

太乙真人方便銘曰方便二字度世真經要積陰騭此

爲上乘刻刻勿忘多多益善細目雖繁大旨須辨周全窘危
提醒迷誤見惡歎阻見美贊助片言利人千金莫敵一語福
世萬善已溢不費之惠人該樂作當面錯過卽此爲惡行之
自矜善力便輕隱而不伐仙籍標名

浙江圖

作種種之陰功



陰隲文圖證

三
別下齋刊本

宋楊旬爲夔州推官處心正直積累陰功子年幼應試夢神曰
汝陰德有感子必貴須改名楊椿場中當助子文章因改名入
場果中第六名次年會試椿復夢神預告試題中九十六名殿
試大魁天下夔州使君問何由至此旬曰某奉公四十年家無
貲產惟積陰德留得三箇慳囊今取與公看第一囊有九十九
文大錢第二箇囊有四十餘文次樣錢第三箇囊有萬餘小錢
使君不知其故旬曰每詳決罪囚胥吏入輕作重爲小心平反
從以罪減爲流罪者卽投一大錢從流罪減爲杖罪者投一次
樣錢從杖罪量其輕而決放者投一小錢又奉太上感應篇行
十種利人事一收街市遺棄嬰孩僱人看養俟年十五願識認

者送歸父母二每冬十二月初三日爲始收老幼乞丐貧人入
本家收養至次年令其自便求食三普施應驗湯藥救人疾苦
四施棺木周給無力之人五女使長大不計身錢具給衣資聽
其嫁人六專一戒殺買物放生七每遇荒年貴糶賤糶賑濟窮
民八脩理寺觀聖像葺治橋梁道路九遠鄉士夫流落客旅者
酌量遠近助其還鄉十居官辨明冤枉濟急救危今日男奪大
魁皆自平日奉公積善所致也

附證司馬溫公曰積金以遺子孫子孫未必能守積書以遺
子孫子孫未必能讀不若積陰德於冥冥之中子孫實受其

福

評

子孫子孫未凶誰能不告蘇館蘇館其其其其
 州益臣漢思公曰蘇全以面子蘇子孫未凶誰能不告
 蘇督伯平日奉公蘇蘇蘇蘇蘇蘇蘇蘇蘇蘇蘇蘇蘇蘇
 海量彭出但其別職十學官機即東琳德翁妹或今日畏事大
 凡八前野香購運蘇蘇蘇蘇蘇蘇蘇蘇蘇蘇蘇蘇蘇蘇
 其蘇入六學一以路買物蘇蘇蘇蘇蘇蘇蘇蘇蘇蘇蘇蘇蘇蘇
 四蘇計木佩蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇
 本不郊泰至六拜今其自財朱會三善蘇蘇蘇蘇蘇蘇蘇蘇蘇蘇蘇蘇蘇蘇
 昔至親父教二蘇蘇十二民蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇

浙 江 圖 書 館

利物

陰陽文圖證



天 別下齋刊本

柏之楨河南人慈心於物卽禽蟲亦蒙其澤每將食諸雀必飛鳴而前畧無驚避至冬月下雪草子難尋恐鳥皆受餓乃埽出一片淨地洒碎米令諸鳥啄食以爲樂後流寇破城入其門有羣鳥千餘飛集滿階寇以爲無人居皆散去男女二十口安然無恙

附證孫錦衣有僕蘇某一道士見之曰汝面何陰隲紋之多也僕曰貧人陰隲從何來道士強叩之曰我平生於蜂蟻牛馬之類有生氣者皆極力愛護之不殘其生不盡其力且某得食甚難每與婦分食稍足克飢卽以其餘施丐者故平生未嘗得飽道士曰卽是矣引之至一處絕非人境僕思家欲

歸道士乃以履一雙藥一粒子之著履行空如飛舍藥經旬
不餓夫婦皆壽百歲

浙江圖書館

不般夫融普養百應
 魏並士以心一雙舞一様
 浙之書紙竹宜吟衆合樂臨信



浙江圖書館

利人



陰騭文圖證

三
別下齋刊本

宜興邵靈甫積穀數千石歲饑或勸之出糶曰是圖利也或勸之賑粥曰是好名也乃盡發所積僱傭除道自縣至湖四十里復浚橫塘水道八十餘里邑人爭受役皆賴全活而水陸均得利公壽九十餘子孫相繼登第

附證明汾州副貢鄧成美家小康凡親友妄希僥倖作事美看透必宛轉開導不令喫累默受其賜者甚多晚年約族人結一周利會以保闔族其法豐收時每畝出穀一二斗有人借按三分行利歲歉散給族人享壽七十五外之日異香滿室鄰人見冥役聲言來迎某城隍者

脩善



陰騭文圖證

三


別下齋刊本

宋趙康靖公嘗置二瓶於几上每起一善念投一白豆惡念投一黑豆始而黑者多既而絕少久則善惡兩念都忘瓶豆亦不用

附證中峰祖師曰有益於人則毆人罵人皆善也有益於己則敬人禮人皆惡也

脩福

陰陽文圖證



三三 別下齋刊本

丁光昌廣西人家道巨富衣食甘淡薄婚嫁不奢侈其妻謂之
曰爾不知享福要財何用昌曰吾看破世間苦人甚多衣食不
給婚嫁不能者目下不知凡幾吾有何德安享自然之福乎但
念現在之福能惜將來之福自長將所省儉之財先恤族親後
施鄉黨強為善而已矣吾夜臥多至三鼓不寐者蓋為此也其
妻醒悟後子孫繁衍竟成文武世家

附證張侗初云士大夫當為子孫造福不當為子孫求福謹
家規從儉樸訓耕讀積陰功此造福也廣田宅結姻援爭什
一鬻功名此求福也

正直代天行化



陰騭文圖證

三三 別下齋刊本

王烈字彥方爲人正直善教誨有盜牛者主得之盜請罪曰刑戮自甘乞勿使王彥方知也烈聞使人謝之遺布一端或問其故烈曰彼懼我聞其過是有恥心與布勸其自新也後有老父遺劍於路一人見而守之至暮老父還尋得劍以事告烈烈訪其人卽先盜牛者也諸爭訟欲質者或至途而返或望廬而還

附證漢陳寔居鄉正直率物爭訟求判者感之俱化皆曰寧爲刑罰所加無爲陳君所短自是一郡之內風清俗美寔壽考而卒哭而來弔者三萬人子元方季方爲一時名士孫羣仕魏爲尚書世世顯達

浙

慈祥為國救民



陰陽文圖證

三四 別下齋刊本

宋范忠宣公知慶州歲大饑公請發常平粟麥賑之郡官以爲
奏之朝廷方可公曰人不食七日則死奏而後發豈能及事卽
日發粟以賑饑民謂郡官曰若有罪吾自坐之弗累諸君也竟
登相位壽七十五

附證景泰時徐淮大饑死者相枕藉帝命都御史王竑巡撫
兩淮竑至竭盡救荒之術旣而河南山東流民猝至竑不待
奏報大發廣運官儲賑之全活者數百萬人擇醫置屋安輯
流民之病者死者給棺復爲叢塚葬之隨上民饑疏帝閱之
驚曰奈百姓餓死何後得竑在倉賑濟疏乃大喜曰好都御
史不然餓死我百姓矣 何比干爲汝陰縣獄吏決曹掾平

活數千人後爲丹陽都尉獄無冤囚淮汝號曰何公征和三
年三月辛亥天大陰雨比干在家晝臥夢貴客車騎滿門覺
以語妻語未已而門有老嫗求寄避雨雨甚而衣履不霑漬
雨止送至門乃謂比干曰公有陰德今天錫君策以廣公之
子孫因出懷中符策狀如簡長九寸凡九百九十枚以授比
干曰公子孫佩印綬者如此算後子孫貴顯果如其言

<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>
------------	------------	------------	------------	------------	------------	------------	------------	------------	------------

浙江圖書館

忠主

陰隲文圖證



三六 別下齋刊本

司馬光爲人孝友忠信恭儉正直自言生平所爲未嘗有不可對人言者陝洛閒人皆化其德居官盡心爲國天下倚之後爲宰輔遼人聞之勅其邊吏曰勿生事開隙中國相司馬矣後病革不復自覺諄諄如夢中語皆朝廷天下事也及卒京師哭者罷市四方人畫像以祀畫工有致富者

附證李善南陽李元僕也元家巨富染疫盡死止遺一孫名續未滿週歲諸奴咸令謀殺分其家產善乃潛負入山親自乳哺乳乃自生汁續雖孩穉奉之不異長君每出入必跪告乃行至十餘歲出山告縣令鍾離意捕諸奴悉殺之朝廷聞之拜善及續俱爲太子舍人後遷善日南太守道經南陽至

元塚一里外卽脫朝服衣故衣持鋤去草拜墓哭甚哀自執
爨以祀曰主君夫人善在此數日乃去

浙江圖書

司馬光為人若友志德兼備正身自守生平所為未嘗有不可
 對人言者陝洛間人皆化其德而歸之其德足以為國之
 事輔遠人聞之勸其遷吏曰
 事不從自覺詳詳如中諸也
 嘉祐四年八月
 附錄李善南陽人也
 續宋滿道成
 乳哺乳乃
 龔心孫曰主祭夫人善弈此樓曰孫志
 六畝一里伏假雖隙地亦耕
 浙
 林樾去草秣墓哭甚哀自燒



浙 江 圖 書 館

孝親



陰陽文圖證

三
別下齋刊本

明陳榮母雙目失明十年百藥罔療忽聞舌舐可愈目疾每日
爲之舌舐數十遍母一日豁然開視又鄰火及廬榮從外奔救
抱母號哭須臾風返母得無恙又郡城水災人民漂沒榮與母
兩處隨流各附一木得達岸卒遇其母官舫郡守夜夢神告次
日孝子附舟郡守泊舟待至日中一木沖岸視之則陳榮也郡
守驚問何以孝遽動天榮曰予何知孝惟不忘母而已

附證勸孝文帝君曰今日是元旦爲人閒第一日吾當說人
閒第一事何爲第一事孝者百行之原精而極之可以參贊
化育故謂之第一事赤子離了母胎在孩抱便知得故謂之
第一事舍此一事竝無學問舍此一事竝無功業舍此而立

言則爲無本之言舍此而能功蓋天下到底不從性分中流出必作僞以欺國負本以滅身天地是孝德結成日月是孝光發亮孝之道言不可得而盡也爲人子者事富貴之父母易事貧賤之父母難事康健之父母易事衰老之父母難事具慶之父母易事寡獨之父母難夫富貴之父母出入有人扶持居止有人陪從其願常給其心常歡貧賤之父母捨卻白髮夫妻誰爲言笑離了青年子媳莫與追隨人子一日在外父母一日孤悽爲人子者善體其情能頃刻離左右也乎康健之父母行動可以自如取攜可以自便朝作暮息可以任意訪親問舊可以娛情衰老之父母兒子便是手足不在

面前手足欲舉而不能媳婦便是腹心不在膝下腹心有求而不遂時而欣欣於內時而戚戚於懷爲人子者善體其情能頃刻離左右也乎具慶之父母日間有以作伴夜間有以相溫晷無所事相與說短論長夜不成眠互爲知寒道冷寡獨之父母兒女雖有團圓之樂夫妻已成離別之悲家庭之內獨行踽踽涼涼形影之閒惟有悽悽楚楚爲人子者善體其情能頃刻離左右也乎嗚呼試問身從何來親爲生我之本孝爲何事人所自有之心見我此章而不動心者非人也見我此章而不墮淚者非人也逆子忤媳見我此章而不化爲孝子順媳者與禽獸何異人人得而誅之者也

敬兄



陰騭文圖證

四十

別下齋刊本

趙彥霄與兄彥雲同居二十年兄好逸遊不事生業數諫不聽遂求分析分後五年兄產蕩然又負人債欲逃亡霄因除夕置酒邀兄嫂相飲曰向者原無分析之心見兄用度不節恐蕩盡同受飢寒不得已而分耳今幸畱我一半請兄嫂仍復同居以主家事卽取分券焚之以鎖鑰倉庫悉付兄嫂竝爲代償其債兄慚節儉成家是年霄父子登第

附證法昭禪師偈云同氣連枝各自榮些須言語莫傷情一回相見一回老能得幾時爲弟兄又云兄弟同居忍便安莫因毫末起爭端眼前生子又兄弟留與兒孫作樣看

信友



陰隲文圖證

聖
別下齋刊本

京三郎名德忠厚不欺有友病篤慮其子不肖密付以千金曰
我子必敗我家俟其困極酌濟之未幾其子窮迫幾斃德始召
詰之曰爾父有產之家何以至此其子慙不敢答德曰我有微
物惠汝恐仍浪費耳其子指天誓不負恩德立取千金還之封
識如舊并告以故其子感泣痛改前非遂成富室後德生子仲
遠官至尚書

附證孔融與王修交修聞融有難夜往奔融融初謂左右曰
能冒難來者惟王修耳言訖而修果至修游學南陽止張奉
舍奉舉家得疾病至戚無相視者修獨撫恤之直俟其病愈
乃去

或奉真朝斗



陰騭文圖證

四二 別下齋刊本

常熟縣奚浦錢氏大族也正德丙寅其族連居數房皆被火凡三日煨燼殆盡中有小樓三楹獨存乃所謂小四房者姑婦二人寡居同處樓中方火熾時煙焰四迫二婦窘怖無措以平日素持斗齋叩頭誦北斗經須臾見朱衣者七人立檐下舉袖一麾火光應時而散七人者忽不見姑婦拜起則四面絕無一椽矣

附證圓明斗姥勸世文世人拜斗拜天上之斗耶拜心上之斗耶天上之斗拜猶不拜也心上之斗不拜而拜也何謂心上之斗一曰孝養父母二曰尊事君王三曰敬奉師長四曰與人爲善不恃己能不言人過五曰立心和柔無恃性氣自

行訶謹六曰無聽婦言蠱惑丈夫最爲惡毒七曰無違聖教
詩書禮樂日用常行八曰無狗名譽求朋結社招攬是非風
俗浮夸人心喪失皆由此也九曰無貪財帛衣食有限富厚
何益於身也十曰無縱奴僕居官作惡皆此輩鼠竊狗盜令
我名節埽地也十一曰無耽於色慾好淫者必亡也十二曰
無貪於酒肉穢惡之氣腐腸喪胃也十三曰無謗毀僧道三
教宗旨何嘗不一而乃是此非彼也十四曰無輕求功名功
名者上天所以勸人也十五曰無妄希子嗣子嗣者上天所
以報我德也十六曰無徒延己壽己壽者父母之所從畀也
十七曰毋遽信讒言小人反覆不常無非離間也十八曰毋

淫人子女人之子女猶我之子女也十九曰無輕棄字紙字
紙聖賢之跡也二十曰毋徒溺於本生父母而不思承繼之
父母也二十一曰毋取人不義之財財者喪身之本積怨之
階也二十二曰毋惑於吏胥吏胥者喪盡良心之人無非敗
爾公事也二十三曰毋往來匪人匪人奸計百出也二十四
曰毋設心謀害心一動則事未成而報已至矣二十五曰毋
諂事鬼神鬼神宜敬而遠之也二十六曰毋禱祀妖邪妖邪
不能自保其身何能爲人禍福也二十七日者斗齋之期也
卽心齋之期也二十七條者心齋之事也卽斗齋之事也如
此方可謂之拜斗毋也如此方可謂之拜南斗六司星君也

如此方可謂之拜北斗解厄星君也如此方可謂圓明道母
天尊也如此方可謂西天竺國大智光中也如此方可謂大
士尋聲來救苦也否則拜吾之像呼吾之名稱吾之號吾方
惡之厭之而何能佑之救之也吾方恨之笑之而何能應之
通之也吾可謂世之拜斗者盡心竭力於此言矣彭定求真
拜斗者也拜時拜不拜時亦拜天上有斗心上亦有斗也吾
故降乩其家而書此以普勸世之拜斗者也又曰拜斗宜拜
父母也拜斗宜拜師長也拜斗宜拜吾心也不如此拜斗而
乃日日拜吾像何謂也可惜有志學道人忘卻本來面目徒
作道士伎倆何謂也又曰世人拜斗不可但爲已延生也不

可但爲己集福也不可但爲己求嗣也天人感應只在爲人
不爲己之心耳吾斗科中俗本增入許多祈福語氣俗事俗
念我甚厭聽天覆地載日月照臨非有所私于一人豈以其
諂事我也而遂加之福乎可與世人再四言之爲愚夫愚婦
點破癡迷妄想也至於三教宗旨原無二也原無少異也原
無一閒未達也原無形迹不化也勿聽世人皈釋謗道皈道
謗釋也甲寅八月二十五日降乩書

浙

或拜佛念經



陰隲文圖證


學五 別下齋刊本

崔本立奉天府庠生母有血證每舉發百藥罔效誓齋戒寫法
華經以祈母壽其業師責之曰我不意子從孔子之教而亦知
有經也本曰弟子爲母寫經非求富貴利達先生何忍諷責耶
其業師悚然改容曰吾失言矣本虔心寫經二部母病旋愈

附證彌勒偈曰堂上有佛二尊懊惱世人不識不用金彩裝
成非是旃檀雕刻卽今現在雙親就是釋迦彌勒若能誠敬
得他何用別求功德

報答四恩

陰騭文圖證



早六 別下齋刊本

邵康節先生有詩曰每日清晨一炷香謝天謝地謝三光所求處處田禾熟惟願人人壽命長國有賢臣安社稷家無逆子惱爹孃四方平靜干戈息我若貧時也不妨

附證吉天相存心中正品行端方舉事動心必以天地君親為念嘗曰人若忘此四大恩則與禽獸何異凡教子弟及生徒必先講明此四者一日忽有羽士三人飄飄若仙至其家曰汝可謂名教中人矣保汝子孫無淫佚高大門墻後生子三孫八皆以孝廉稱德行著官至學士者三人登仕籍者濟

濟

廣行三教



陰陽文圖證

四七 別下齋刊本

羅崇義奉天舉子會試不中一夕夢其父曰我在陽世凡釋道家化緣簿者我盡心代作警醒不知有幾因此註爾聯捷今爾不敬二氏任意詆毀罰會試三科不中矣義醒後極力懺悔閱三年竟成進士

附證宋程一德羸知字義卽孜孜欲人爲善每遇嘉言美行不分三教捐貲刻布冀人警醒一夕月晦夢帝君語曰汝有善心廣行三教所刻俱錄報天庭矣自是三教典籍不學而能明道伊川兩先生其後也

濟急如濟涸轍之魚



陰騭文圖證

四十八 別下齋刊本

李凝家貧而好善時有平陽耿廉械送京師中途妻忽欲產人皆不肯納妻臥草中哭泣甚哀凝見之留入室曰人孰無緩急何必以入室爲忌哉倘產爲風露所感則母子俱不能生我寧留之而受不祥何忍死其母子後凝家非惟無災禍抑且百福駢臻蓋其報也宋濂太史爲之傳

附證莊周家貧故往貸粟於監河侯監河侯曰諾我將得邑金將貸子三百金可乎莊周忿然作色曰周昨來有中道而呼者周顧視車轍中有鮒魚焉周問之曰鮒魚來子何爲者耶對曰我東海之波臣也君豈有斗升之水而活我哉周曰諾我且南遊吳越之王激西江之水而迎子可乎鮒魚忿然

作色曰吾失吾常與我無所處吾得斗升之水然活耳君乃
言此曾不如早索我於枯魚之肆

浙江圖書館

浙江圖書館

浙江圖書館

<p>言此會不味早常先林并 於否曰喜夫吾常與好與 浙</p>									
--	--	--	--	--	--	--	--	--	--



浙江圖書館

救危如救密羅之雀



陰騭文圖證

五十 別下齋刊本

楊寶九歲時至華陰山北見一黃雀爲鴟鴞所搏墜於樹下爲
螻蟻所困寶取置巾箱中啖以黃花羽毛成飛去其夜夢黃衣
童子向寶再拜曰我西王母使者感君愛護持獻白玉環四枚
令君子孫潔白位登三事如此環後寶生震震生秉秉生賜賜
生彪四世三公清白無比

附證 郇公章得象之祖仔鈞蒲城人也仕閩王審知守建州
領兵拒南唐遣邊鎬王建封求救二人失期當斬章意未決
夫人練氏曰旣惜其才何不從寬密令遠遁復使諸子遺之
以金二人遂奔江南後南唐命查文徽攻建州二人已貴從
行城陷議屠之時仔鈞卒練氏猶存二人入城厚遺練氏金

帛且授一白旗曰植此於門可保無虞練氏舉金帛并旗反之曰妾夫婦當外建民何罪非盡赦建民妾不獨生二人請之一城皆免練氏後封越國夫人子十五人親出者八孫六十人皆貴曾元位卿相者相踵

浙江圖

揚州九歲時至善陰...

...

...

...

...

...

十八晉貴曾...

...

...

...

浙 江 圖 書 館

矜孤

陰陽文圖證




五十二 別下齋刊本

趙化林與同會友劉景相善一日景病危延林至臥榻泣曰我妻年少聽其改嫁但子三歲女十歲託與兄照管林曰吾舌耕不能自顧恐負所託勉爲之而已景死林以嫂事其妻勸其守節將所得束脩頻頻幫助擇一佳壻嫁其女又盡心教其子未冠入泮一夕夢帝君曰汝爲友存孤可謂至難世人難得者科名今錫汝子矣後林子年十八鄉會聯捷

附證周傑吉水灘人欺佔其孤姪寡嫂基地造樓孤寡莫訴惟焚香籲天宏治三年五月十八日忽大雷風移其樓於沙上出舊地不失尺寸傑跪基上七日忽曰今知欺凌孤寡之辜矣觀者如堵不一年惡疾而死

恤寡



陰騭文圖證

五三 別下齋刊本

王克明兗州府例監族大戶繁不幸而有寡居者明卽悲泣聚族人告之曰某婦失所天矣守節聽其自然而日用飲食須爲計久遠各捐貲湊成總數代謀利息按月送不缺又年節閒勸子弟輩先往拜叩之曰禮周情洽所以慰其苦而堅其念也緣此伊族寡居數家率從一而終子鄉試鄰人夢城隍親送華匾至伊門題恤寡首錄榜發果中解元

附證呂祖詩曰勸人莫視寡偷覷何爲者邪念有神嗔罪緣空自惹勸人莫笑寡譏誚良心捨天網縱然疎此條難漏下勸人莫誣寡枉口舌當剛折損一時亡再生爲乞啞勸人莫逼寡欺負雷應打追魂受輪迴永變牛與馬

敬老

陰陽文圖證



五四 別下齋刊本

黃煥寶坻人年四十無子見老人則起敬老者賣菜蔬貨物必
多償其值悅其意僱匠役覓短工內有老者不嫌其惰時令歇
息至親友閒有高堂白髮則凡事儘讓曰彼有老父老母也其
僕向人言曰吾主人素性惜老煥聞而戒之曰惜之一字何忍
出口直云敬耳後年至五旬生一子享年八十

附證楊大年與周翰朱昂同在禁掖二公皆老楊輕侮之周
為好語謂之曰君莫侮吾老老終留到君楊搖手曰莫與莫
與免為人侮楊果方壯而卒

憐貧



陰隲文圖證

五五 別下齋刊本

蘇長公卜居陽羨以五百緡買一宅將徙居焉夜步月至一處聞老嫗哭甚哀公問何故嫗言百年居址一旦訣別是以泣耳問其居正五百緡所得者公曰彼以貧故至此旣戀戀何爲使之失所也卽取券焚之令勿徙

附證嘉靖時陸待菴自幸家豐恐犯造物之忌每於貧人留心提攜使有營運遇寒士色益恭借端餽贈不令其感見乞丐必有所與不肯空過稱之曰窮朋友元旦忽有人書其門曰半生憐赤子三代賜黃封後子貴果封三世

措衣食周道路之饑寒



陰騭文圖證

五六 別下齋刊本

山西王客寓江右曬羊裘數領有儒生林某過之徘徊不去客
呵問之林曰某家貧身無寸絲適見公曬裘於此以爲誠得一
領與老母拙妻少遮胸背便可過此寒冬忽然癡想者久之實
無他意不料爲公所疑也客憫之解裘爲贈後除夕客復途遇
林生問何往林曰無米度歲向母舅求貸爲舅所逐賴舅母仁
賢潛與米五升故此刻歸家耳客曰我欲取帳能爲我守寓乎
林從之客去長久後返命林速歸歸則母妻告曰適有人騎驢
至置錢五千而去問姓名不答林考其衣貌類客狀感之倍深
後林登第仕至都堂報客千金并脫其子於辟

附證古詩云忽聞貧子乞聲哀風雨更深去復來多少豪華

貧夜飲歡呼未肯暫停杯 徐天行好施捨每於道路上見
丐人凍餒不堪便自嘆曰此前生富不恤貧之報我其後身
矣每出外令僕攜錢數百文及歸捨完及預買舊衣百件於
臘月閒覘丐人無完衣者投之卽走不令知姓名後家有盜
明火執杖入院行於樓上竊看忽有一長人持斧亂趕頃刻
散盡長人亦隱不復見究不知爲何神也

施棺槨免屍骸之暴露



陰陽文圖證

五六 別下齋刊本

唐郭元振讀書太學家童齎錢四十萬至會有衰衣者叩門以
五世未葬求助元振悉與之不復問姓名後官至中書門下封
代國公

附證浮梁甯從禮常造棺槨施人貧不能葬者贍以錢米享
壽八十沒後托夢與家人丁貴曰我生平多造屋宅與人濟
人之急坐此陰功慶延孫子汝說與十四郎謙光明年秋試
必發解元自此科甲不絕矣果然

家富提携親戚

陰騭文圖證



五九 別下齋刊本

羅惟德位寧國時一日向劉寅喜動顏色曰今日一大快事寅問何事曰近貧宗有十數人以饑荒遠來乞周庇積俸施散殆盡家大人以下及諸眷屬無一阻撓者爲是暢然耳

附證范文正公旣貴買良田數百畝爲義莊於族之貧乏者每人日給米一升歲給絹一匹嫁娶喪葬皆有周給謂子弟曰宗族雖有親疏自我祖視之均是子孫且祖宗積德百年始發於我若獨享富貴何以見先人於地下何顏入家廟乎故其恩例俸賜必均及宗族子純仁俸祿所入悉廣義莊

歲饑賑濟隣朋

陰隲文圖證



六下 別下齋刊本

揚州興化韓樂吾家素貧又遭歲饑典押俱盡一日止餘米二升五合有同社友絕糧欲分半贈之妻曰如明日何樂吾曰吾等是明日死彼卻是今日死遂分濟之夜卽夢神謂曰汝濟人無我上帝鑒之矣賜汝金一穴明日鋤地果得之

附證巴西大邑歲歉有富農羅密閉糶而義士許容竭產賑貧來者無窮力不能繼終夜炷香祈天請祐帝君奏上帝有旨取羅所蓄之穀雨之聚於郊衢一日而盡邑人感許之惠往往酬還幸羅之災從而稱快蜀帝以容爲邑佐密聞之自

經

斗秤須要公平不可輕出重入



陰騭文圖證

空 別下齋刊本

信州周才美為子娶婦見婦賢而有才令理家政付以斗秤各兩等諭以多入少出之法婦不悅請去曰翁所為大傷天理妾他日生子定不肖破家人謂是妾所生恐被玷累才美感悟曰此言是今但用一樣者婦問用此幾年矣翁曰約二十年婦曰今當以前之用出者用入前之用入者用出以酬昔日過取之數才美欣然許之後婦生三子皆少年登第

附證化書蜀黎永正治斗斛權衡人有以深斗重秤為囑者倍取其值而與之其欲減勺為升減合為斗省銖為兩省兩為斤者亦如之又能作空中接絲之秤拆底隆梁之斗一日司察神糾奏乃使其目矇瞽年方四十妻棄而他之二子亦

盲指節零落行哭於市人無卹者飢寒三年使自暴其過而
死二子相繼而殍

浙江圖書

--	--	--	--	--	--	--	--	--	--



浙江圖書館

五十二卷

前漢書卷之五十二



浙江圖書館



浙江圖書館



浙江圖書館

浙江圖書館善本

乙 登記號: 014067

一九 年 月 日



浙江圖書館

浙江圖書館





Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black



陰
隲
文
圖
證

上冊
別下齋
葉本



江圖書館



浙江圖書館



ches 1 2 3 4 5 6 7 8
centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches © The Tiffen Company, 2007

Blue Cyan Green Yellow Red Magenta White 3/Color Black